



Disputatio medica inauguralis de ictero

<https://hdl.handle.net/1874/343325>

10.

DISPUTATIO MEDICA
INAUGURALIS,
DE
ICTERO,

QUAM
AUSPICE DEO OPT. MAX.
Auctoritate Magnifici D. Rectoris,

M. GERARDI de VRIES,

Philosophiæ Doctoris, ejusdemque Facultatis in Illustri
Academiâ Ultrajectinâ Professoris Ordinarii,

NEC NON
*Amplissimi Senatus Academici Consensu, Nobilissimeque
Facultatis MEDICÆ Decreto,*

PRO GRADU DOCTORATUS
Summisque in MEDICINA Honoribus, & Privilegiis, ritè
& legitime consequendis,

Eruditorum examini subjicit
SAMUEL SHAW; ANGLUS.
Ad diem 4. Junii, horis locoque solitis.



TRAJECTI ad RHENUM,
Ex Officinâ FRANCISCI HALMA, Academiæ
Typographi, clō Ioc XCII.

Illustrissimo, Honoratissimo, Nobilissimo

DOMINO, DOMINO

T H O M Æ

C O M I T I

STANFORDIENSI

B A R O N I

GRAY DE GROOBY, &c.

Hasce (quales quales) Theses Inaugurales

In eternum, Honoris & Obser-
vantiae, Symbolum

Sacras esse voluit

SHAW,

AUCT. & RESP.

DISPUTATIONIS MEDICÆ

INAUGURALIS,

DE

ICTERO.

THESIS I.



Inter multiplicem morborum cohortem, quibus misera infestatur Gens humana, non infimum sanè vendicat locum, disputationis nostræ subjectum, Icterus: Quippe qui morbi intricatissimi nomen audit: Ad quem rectius intelligendum, non omnino fore abs re duxi, si paucula quædam, ad nominum ejus Etymologiam spectantia, prælibarem.

I I.

Ictep Ⓞ, vel ut alii scribunt *ictēpōs*, denominationem accipit vel ἀπὸ ἰκτῆρος *ictēros* Viverra, quod ea Oculos auricolores habet, vel ab *Ictero*, Ave ejus coloris, cujus aspectu hoc morbo correptos sanari, & ipsam Aviculam mori, traditur. Sed *credat Judæus Appella*. Suidas ab *ictῆρ* vel *ictῆρ* Ⓞ deduci putat. Quod hic morbus affectorum oculos facit pallidos, ut ἰκτερίων i. e. Milvorum. Latinis morbus Regius, quia Apparatu Regio, Lasciviis, Cantu, Delitiis, Vitâ solutâ curis; vel Oenomelite (Potione Regiâ) sanatur: Eleganter Q. Serenus. *Molliter hic quoniam celsa curatur in Aula.* Arcuatus vel Arquatus à colore Arcûs cælestis æmulo. Aurigo denique propter Auri colorem, quem Bilis per totum diffusa corpus mentitur. *Cels.*

A 2

Præ-

Præmissa itaque nominum explicatione, sequitur ut ad naturam ejus eruendam, explicandamque aggrediar. Cum autem teste Oratore, disputatio debet à definitione proficisci, ut intelligatur, quid sit id, de quo disputetur, etiam hic ab Icteri definitione incipiendum est. Icterus autem est morbus corporis totius Cutem, unguis, & præcipuè Album oculorum, ut & Urinam, nunc nigro, nunc viridi, ut plurimum verò flavo calore, tingens.

I V.

Cutem quod attinet, quæ in hoc morbo, colore flavo plus minus semper inficitur, cum ea tribus Lamellis constat, ut probat Oculatissimus Malpighius, hinc colorem Ictericum à subjecto mucoso, & corpore reticulari ortum trahere, idem concludit. Non tantum vero partes externæ, verum etiam internæ variæ, tam fluidæ, quam solidæ, pro morbi subjecto accusandæ veniunt: Fluidæ sunt sanguis & humores: Solidæ, Ventriculus, Intestina, Pulmones, Hepar, & præcipuè Vasa Bilis collectioni & secretioni famulantia: imo nonnunquam Ossa, ut ex Autopsia in Ictericorum Cadaveribus observare est. Vide Kerckringii *Specileg. Anatom. obs.* 57. sed de subjecto satis.

V.

In recitandis aliorum sententiis circa hujus morbi causas non multis hic morabor; nam ita texenda mihi foret proluxa nimis digressio. His igitur prætermittis, sanguinem viscosum & crassum morbo Regio ansam dare, audacter affirmem. Cum enim sanguis debitam liquiditatem non habens, circulationis lege ad Hepar defertur, nec ubique per angustissimos ejus ductus liberè satis & perviciter fluere possit; hinc fit, ut in Radicibus exiguis vasorum Biliariorum, nec non minimis istis Acinis glandulosis, ex quibus tota Hepatis Compages imprimis constat, & per quos Bilis in vesiculam Fellis, & Poram Biliarium filtratur, hære & obstructions effice-

re,

I N A U G U R A L I S. ¶

re, necesse habeat: Quibus infarctis Bilis transcolari & secerni non potest, sed sanguini admitta manens, cum eo per hiantes Venæ Cavæ Radices absorbetur, & ad cor, & omnes corporis partes, quibus colorem flavum conciliat, defertur. Et hic prorsus rejicienda est eorum opinio, qui statuunt Bilem ex vesicula fellea in Hepar regurgitare, & ita cum sanguine misceri: Nam valva modo parva, modo magna juxta ejus orificium affixa est, Bilis Regressum omnem ex vesica in Hepar præpediens.

V I.

¶ Sanguinem in Affectu Ictericò ad Tarditatem & Viscositatem esse dispositum cujus Phænomena ejus pensitanti, liquidò apparebit. Sive enim Causas, sive Symptomata, sive Eventum, sive Methodum medendi consideremus (de quibus ordine tractabimus) singula humores effatos, crassos, & obstructionibus producendis aptos indicant: Denique, calculi in vasis Biliaris inventi, qui sine Bile viscidâ & crassâ, diutius quam par est, in illis detentâ, generari nequeunt, hanc sententiam egregiè confirmant: tales inveniri lapides ex observatione Anatomicâ abunde constat: Cujus rei exemplum non ita pridem in Amphitheatro Anatomico publicè ostendebat Clariss. Antonius Nuck in Academiâ Lugduni-Batavorum Anatomes Professor, in Vesica Biliaria, cujus Cavitas Calculo nigricante & mediocriter magno totaliter impleta erat. Innumera alia Exempla Calculorum in Vasis Biliaris repertorum apud Medicos & Anatomicos passim videre est, quæ Consuetæ Theses Brevitas non finit recensere. Sufficiat impræsentiarum annotare, hos Lapides frustulatim comminutos in Intestina delabi, indeque per Alvum non raro excerni.

V I I.

Causa Proxima ita explicata, ad Causas Remotas accedimus, quæ secundum Methodum vulgarem in Internas & Externas satis commodè dispesci possunt. Causæ Internæ sunt Defectus vel Vitium Bilis & Succus Pancreatici: Cum enim isti Humores, qui Partis Chyli Excrementitiæ à Nutritiâ, in Intestinis, Secretionibus

DISPUTATIO MEDICA

inerviunt, nimis pauci, vel nimis insulsi sunt, Chyli Particulæ Tenues à Crassioribus dissolvi & seperari nequeunt, unde Sanguis non satis Volatilis & Spirituosus existens, sed partes Crudas Viscidasque admixtas habens, Obstructiones, & Consequenter Icterus facile parit.

VIII.

Causæ Externæ nunc examinandæ veniunt, quarum Aliæ ex Rebus Nonnaturalibus, Aliæ ex Rebus Præternaturalibus, ut loqui amant Medicorum Filii, desumuntur. Aër Crassus, frigidus, humidus, & Nebulosus; Cibi Viscidi, Glutinosi, Frigidi, Sanguinem nimium incrassant, eique crudas viscosasque particulas suppeditantes, Ictero producendo aptum natum reddunt. Et hæc videtur esse Ratio, quare Pauperes minus benè vestitos, ut & Milites, sub Jove frigidus dormientes, utrosque Cibo parco & vulgari victitantes, tam frequentissimè invadit Aurigo. Vina generosiora, & Liquores fortiores, quod attinet, quæ præ omnibus fere aliis causis malè audiunt, Illa continuo & mane & sero ingurgitata, Appetitum prosternunt, Concoctiones lædunt, Secretiones inhihent: Neque hic proh Dolor! cessat Tragædia: Nam hi spiritus in Sanguinem admissi, propter summam Volatilitatem, non sufficientes ibi moras nectunt, sed Sanguinem Particulis suis spirituosis & tenuibus orbantes, fugam petunt, remanentibus solummodo Particulis viscidis & effætis, in summam Crassitiam degenerantibus, eodem fere modo, ut Vinis nimis diu fermentatis in doliis apertis sæpe accidere solet, quæ brevi temporis Tractu post Spirituum tenuiorum Jacturam, crassa, vapida, nec non subacida fiunt, quod & Circa Epistomia præcipuè observatur, ut Oenopolæ miserè testari possunt.

IX.

De Morsu Viperæ, & Venenis certis assumptis, quæ inter causas externas ab omnibus ferè recensentur, Res non adeo patet: Et profecto an Viperæ Morsus & Venena hausta Icterus verum producere possunt, in dubium revocandum est. Galenus quidem scribit

scribit de Servo quodam Imperiali, cujus Corpus ex Viperæ Mor-
 fu colorem Porri referebat : & Avenzoar de alio cujus Cutis ex
 Veneni Potu colorem Corticis Citri æmulabatur : sed hic nulla
 adsunt Icteri Symptomata præter colores Porraceos & Citrinos,
 qui non ab Ictero, (meo saltem judicio) sed à Venenis Ortum
 trahere videntur : Ne autem Quis putet me hanc Hæresin primo
 disseminare, Verba Doctissimi Sennerti de hac Re transcribere non
 gravabor, quæ sic se habent. Est proprium Venenorum humores
 corrumpere, & minima Portio Veneni corpori communicata instar
 Fermenti totam massam sanguinis penetrat, eamque corrumpit,
 quâ corruptâ, nunc hic, nunc alius color inducitur, pro Natura
 Veneni ; Neque credibile malam qualitatem illam solum Hepati
 imprimi, ut multa Bilis generetur, cum Mutatio illa in toto Cor-
 pore subito fiat, & humor ille flavus vel Viridis non propriè Bilis
 sit, sed Venenosus & Malignus. *Et paulo post.* Imo credibile est
 istum Humorem, qui à Veneno provenit, non Bilem esse, sed
 ex Humorum cum Bonorum tum Excrementitiorum corruptione,
 ortum. *Præct. lib. III. Pars VI. sect. II.*

X.

Neque hic prætereunda sunt Quies nimia, ut Vita otiosa & se-
 dentaria, somnus nimius : Quæ Humores per Poros cutis discuti-
 tiendos retinendo, & Particulas viscidas cumulando, Sanguinem
 incrassant, ejusque motum impediunt. His etiam addi possunt
 Animi Pathemata vehementiora, præcipuè Mæror & Tristitia,
 quæ Humores glutinosos, & Obstructionibus producendis aptos
 reddunt. Inter causas denique Præter naturales, Febres, Vænx
 Sectiones debito frequentiores, aliæque Ægritudines diuturniores,
 quibus Icterus sæpe sæpius succedit, referri possunt ; Utpote quæ
 Sanguinem Particulis suis Nobilioribus ita depauperant, ut effætus
 & viscosus evadat.

XI.

Diagnosin ex Definitione facili negotio colligi potest. Tinctu-
 ra Ictericæ in Tunica Oculorum Adnata primum se prodit, quia
 cæteris

cæteris Partibus albicantior est, & (quod dici solet) Contrariâ juxta se posita clarius elucescunt: Præterea hæc Membrana Venulis, Arteriolisque numerosissimis donatur, quæ sanguine Bilioso repleta colorem intensè flavum Oculis conciliant. Urina viscidis suis Particulis Chartam albam, vel Linteamina intincta Colore summè Crocco, aliquando nigro, inficit, pauca est & turbida; & Elutriata Spumam flavam haud aliter quam sapo & Aqua simul mixta, & Lotricum Manibus agitata, exhibet: Bilisenim, quâ Urina Ictericorum imprægnatur, ex Sale & Oleo constat. Signa, quæ hunc concomitantur Morbum, sunt Alvus astricta, Respiratio difficilis, Pruritus, Sitis aucta, Oris Amarities, Membrorum Lassitudo, ut & summus Corporis Languor, & Emaciatio, Dolor Hypochondrii &c. quorum omnium causas ex Principiis jam positis non difficile est explicare, *Alvus* pertinaciter est astricta, Fæces duræ & Albicantes excernuntur, quoniam propter Vias totaliter obstructas, Bili omnis denegatur Transitus, quæ in Statu naturali, Particulis suis oleosis & salinis Fibras Intestinarum solet stimulare, Excrementa Flavédine tingere, & lubrica reddere. *Respiratio* difficilis & Præcordiorum Angustiaë necessario sequuntur: Cum enim sanguis crassus & viscosus in Pulmones impellitur, agrè per angustissimos ejus Meatus transit, hinc necessum est, ut Pulmones infarciens, & Bronchia Compressione angustans difficilem Respirationem efficeret. *Pruritus* in totâ Corporis superficie percipitur: Quoniam Bilis acris & pungentibus Particulis saturata, & insimul crassa existens, Poros cutis permeare nequit, hinc ob majorem hujus in dorso densitatem, quam Bilis penetrare nequit, in ea potissimum parte Pruritus sentitur. *Oris Amarities* à Bile per totum Corpus dissusa, & tandem Linguam afficiente, oritur: saliva etiam tunc simul acris, & plus minus salsa reddita, sitim auget. *Membrorum* Lassitudo & Pulsus tardus accidunt ob lentas & languidas sanguinis Circulationes, ob Defectum, vel nimiam spirituum Inviscationem, propterea Motus locales nec promptè ineunt, nec vegetè perficiunt. *Dolor* denique gravativus, qui in Hypochondrio dextro sentitur ab Hepate obstructo & indurato, à Vasis Sanguine, Lympha, vel Bile, ultra Tonum distentis, vel à Calculis in Vasis Biliaris, provenit.

XII.

Ad differentias quod attinet : Authores distinguere solent inter Icterus primarium à nullo morbo productum , & secundarium , quando sc. sive critice , sive symptomaticè Febris supervenit. Clariss. Morton Icterus in accidentalem vel acutum , & habitua- lem vel Chronicum dividit , hunc à scirrholo & constricto He- patis Parenchymate , illum vero ab obstructione ductûs Choledo- chi oriri , statuens. Veteres Icterus flavum à nigro differre pu- târunt , sic ex Liene nigrum ex Hepate vero flavum procedere credèrunt. Talis vero differentia nihil valet , tunc enim Icterus niger flavo succedit , quando sc. propter Morbi Longitudinem , & sanguinis constitutionem malam , Bilis primò viridi , & postea Saturiore & Nigricante colore donatur : Hoc Excellentissimus Wil- lis in libro eleganti de Fermentatione experimenti illustrat. *si* , (in- quit) *Bilis flava Cysti fellea exempta , ac Cucurbita indita , leni Bal- nei Calori exponatur , eadem brevi viridescet , ac postea instar Atra- menti nigerrime apparebit.*

XIII.

Quod ad Prognosin , Icterus ab inflammatione cum Febre , aut à Scirrholo Hepatis proveniens , est periculosissimus : Criticus salutaris est , quando sc. Febris die Septimo , Nono , Undecimo , aut Decimo-quarto supervenit , nisi Viscera indurata sint : Hipp. Aph. 64. Sect. iv. Symptomaticus malus est , nisi Evacuationes per Uri- nam , Alvum , aut Hæmorrhagiam accidant. Si Vesica fellea Cal- culis sit obstructa ; malum est desperatum. Gravidis superveniens Abortum minatur. Icterus niger cum majore difficultate aufertur quam Flavus , cum malum per longas moras invaluit. Icterus Chronicum sæpe excipit Phthisis & istam Phthisin Hydrops vide Morton de Phthisi Ictericâ.

XIV.

His omnibus ad hujus Morbi Naturam spectantibus, præmissis, ad Curationem, quæ Medico potissimum incumbit, tandem pervenimus. Si Morbus Regius ab Hepatis Inflammatione vel Scirrho oriatur, ad istorum Affectuum Sublationem Curatio dirigenda est. Qui vero in Febribus putridis contingit, si Criticus sit, nulla Curatione indiget, ut monet Riverius. Sin vero obstructions aut in Folliculo Felleo, Meatu Cystico, aut alibi in Hepate, vel Vasis Choledochis in Causa sunt: Indicationes curativæ erunt, ut hæ obstructions referentur, ut Bilis ex sanguine, & Vasis Biliferis eliminetur, ut Sanguis Viscosus & Effætus, Volatilis & Tenuis reddatur, denique symptomatis urgentibus & Viribus prospiciendum est.

XV.

Ut his Indicationibus satisfiat, Cathartica imprimis conducunt, tum ut materia in primis viis hærens eliminetur, tum ut Vasa Bilifera irritata ad Excretionem sollicitentur: deinde Medicamenta acria & amara præscribi possunt, quæ ductus angustissimos permeantia, Obstructions removeant, & Bilis à sanguine per proprias vias separationem promoveant.

XVI.

Purgantia in hoc casu maxime appropriata sunt, Rhabarbarum quovis modo usurpatum. Decoctum amarum cum Purgantibus sc. Senn. ℥ij. Rhab. ℥i℥; Tinctura sacra ab ℥ij ad ℥iv, vel Potio sequens

℞. Fol. Senn. ℥ij. Rhabarb.
Incis ℥j. Maceventur. in Aq.
Fontan. ℥v. Aq. Mirab. ℥℥.
Totâ. Nocte, Colaturâ Mane.

I N A U G U R A L I S. 11

Fact. Dissolve Syrup. de Cichor.

Cum Rhab. ℥j. Elect. e succo

Ros. ℥j M. F. Potio purgativa cum Regimine capiendam, quarta quaque die repetenda.

X V I I.

Inter deoppilativa & Anti-Ictericæ recensentur sequentia quæ, ut plurimum per Diuresin vel Diaphoresin evacuant: Radices quinque famosissimæ aperientes, Rad. Rhabarb. Urtic. Urent. Ari. Gentian. Curetum. Cortices Rad. Cappar. Tamarisc. Fraxin. Berber. Herba Absinth. Tanacet. Abroton. Marrub. (cujus succus à Diastoride, & Syrupus à Foresto valde commendantur) Chelidon. major cum toto, Fragaria cum toto, Fumaria, Centaurium minus, Crocus, Omnia Hepatica dicta, ut Agrimon. Hepatica, Phyllitis &c. Uti & Aq. Gentian compos. Aq. Lumb. Mag. Aq. Mirab. Decoctum Ictericum Pharmacop. Batean. Infusio Ictericæ Batei; Syrupus de quinque Radicibus, Syrup. Raphan. Compos. Diacroc. Species diatriæ Santalæ. Trochisc. de Cappar. Pulvis Ictericus Batei, ex quibus Decocta; Pilulas, Electuaria, Julapia &c. (prout hoc vel illud ægro magis arridebit) facili negotio Medicus parare potest. Ne autem Medicaminum Farraginem, quâ, Ars medica jam satis superque obruta est, & usque ad Nau-seam inferta, nimis addere viderer, unam tantum Formulam adjungam. Apozematis Exemplum tale fit.

℞. Rad. Rub. Tinctur.

Curcuma aa. ℥ij.

Cortic. Inter. Berber.

Tamarisc aa. ℥i℥.

Chelidon. Maj. cum toto

Fragar. cum toto aa. Miij.

Coque in Aq. Fontan. Q. S.

Ad ℥ij. addendo circa finem

Ebullitionis. vini. Rhenan. ℥℥.

Colat. adde Aq. Mirab. Syrup.

e Quinque Radicibus aa. ℥ij.

Tinctura Croci ℥℞. M. F.

Apozema, de quo capiat ager ℥iv.

(Agitatâ Phalâ) calidiuscule mane & nocte & quartâ
quâque hora per totum diem.

Inter hanc Classem Sapo Venetus Remedium illud decantatiffi-
mum, jure merito recenseri debet, utpote qui Ictericis egregiam
opem ferre solet, quod novi in Virgine quâdam pulcherrimâ, &
mihi Consanguineâ, quæ ab Ictero gravi & pertinaci, hujus so-
lius Medicamenti Usu liberata ἐὺχρησθη atque ἐὺσωρευθη evasit,
quam nunc irrupta tenet Copula. Exhibeatur ad ℥j. in Lactè vel
Cerevisia solut. & edulcorat: vel in Pilulas formetur cum Extracto
Chelid. major.

XVIII.

Sanguinis Visciditatem & Lentorem tollunt, omnia sale volatiffi-
prædita sc. Sal. & Spir. Succini, Armon. CC. ut & Milliped. Pe-
diculi, Stercora Anserum, Ovium &c. sed ante omnia Chaly-
beata, quæ deploratissimos Ictericos curaverunt. Nam omne fe-
runt Punctum, quia non tantum vasa obstructa referant, verum
etiam vires sanguinis effætas de Novo instaurant, & inter hæc
Aquæ Minerales egregium Juvamen præstant, modo Obstructiones
non eo invaluerint, ut Aquarum Fluxum per Urinam præpe-
diant. *Morton.* Pro Vino Chalybeato sequens præscribatur.

℞. Fol. Agerat. Chelid. Maj.

Cochl. Hortens. Sum. Cent.

aa. pij Curcumæ ℥ij. Salis

Absinth. ℥j. Gum. Lacc. ℥℞.

Limat. Chalybis ℥ij. infunde in Vini Rhen. ℔ij.

Vel ℔ij. stent per tres dies, de Colat. bibat. ager
℥iv.

X I X.

Si accidat ut Colica Biliofa in Ictero definit, Catharticis non infitendum est, fed de-obstruentibus, ut monet Excellentissimus No-ster Sydenham de Colica Biliofa. Cum Infantibus, (quibus hic Morbus valde familiaris est) leniter omnino procedendum est. — *Tractari mollius aetas* — *Imbecilla velit.* Igitur Purgationibus violentioribus omissis, blandè tantum subducatur Alvus, & postea Crocus ad gr. j. in Lacte Materno exhibeatur, vel Decoctum Fragariæ cum Passulis. Ubi Vasa Bilifera Calculis sint obstructa, Decoctum, vel succum Graminis valde laudat Sylvius, exemplo Boum & Ovium, qui hyberno tempore, Feno aut Stramine pascentes in Vesica fellea & alibi circa Hepar Materiam lapideam congerunt, vernâ autem tempestate, cum recenti vescuntur Gramine, eadem rarius invenitur. Contra Leipothymias, quæ in hoc morbo accidere solent, Aq. Mirab. Tinctura Croci Aq. Lumb. cum Syrup. Caryophyllorum, vel Sp. Salis Armon. præscribi possunt.

X X.

Quoad Diætam, exulent Pisces præcipue marini, Animalium extremitates, Carnes salitæ, & Fumo indurata, ut & omnia Alimenta glutinosa & viscosa. Conveniunt Cibi Aromatibus & Conditimentis subacribus, ut Sinapi, Raphano Rusticano &c. conditi. Potus sit Vinum Absinthites, vel Cerevisia medicata ex Amaris & Hepaticis facta. Alvus respondeat. Animi Mæror sedulo vitetur. Aër sit perflatus, denique Exercitio moderato sapius utatur æger, quæ omnia ad Obstructiones referendas, adeoque Icterus tollendum multum conferunt.

V I

Bilis non effluat cum succo Pancreatico in Duodeno.

F I N I S . CO-

COROLLARIA.

I.

Hypotesis de Motu Bilis circulari à Borello inventa, & a D. Nuck tam acriter defensa, falso nititur fundamento.

II.

Ex Defectu Bilis Icterus aliquando producitur.

III.

Bilis Analysis Chymica tum sal Volatile tum fixum suppeditat.

IV.

Icterus à sanguinis nimia Tenuitate nunquam oritur.

V.

Bilis Hepar ab Obstructionibus liberum tuetur.

VI.

Bilis non effervescit cum succo Pancreatico in Duodeno.

CO
F I N I S.

Ad Virum Doctissimum, & Amicum

D O M I N U M
SAMUELEM SHAW,

dum Theses de ICTERO pro Gradu

Doctoratus defenderet.



Hæbe potens sævis vel Morbis læ-
dere Gentes,

Læsas solerti vel relevare manu.

Aspice tu decus hoc nostrum, pla-
cidusque fatere

Indomitus quantum proffit in Arte Labor.

Non Icturum posthac Pestemve minaberis Orbi,

Fortius hic Juvenis dum Medicamen habet.

Mitte dehinc Iras, & Nato Carmina dona,

Neglectum telum dejice, fume Lyram.

MATTHÆUS PRIOR, A. M.

& Colleg. Divi Joann. Cantab. Socius.

AD EUNDEM.



*Æc dum scripta lego dumque altâ men-
te revolve,*

*Et medicum video Rhetora tumque
simul.*

*Omnia tam compto, nitido & Sermone relata,
Auhorem ut loquitur pagina quæque suum.*

Magnum opus aggreditur, nec magnis excidit ausis,

Solerti ad portum ducit & Arte Ratem:

Tum penetrat morbi in Latebras imosque recessus,

Atque hostem Vallis pellit & ille suis.

Adsis Phæbe Pater, debitisque favoribus orna

Natum, Sicilides cingite fronde Caput.

His dabit Majora magis quoque Nomine digna,

Plures si denegant nec sibi fata dies.

Hæc Amicitia ergo, posuit

M. A. R. GULIELM. EMMERSON M. S.

& Colleg. Divi Joann. Cantab. Societ.